



順則集序

叙曰富溪予程宗望也僻處山中古道存
焉一脉書香綿延于奕世自後唐肇基更
宋元以迄

國朝歷六百年所矣是故嚮道術者耽心
經籍之誥甘肥遯者寄情衡泌之娛喜事
功者銳志文藝之場殆家喻而戶習焉者
其間筆補化工擅名詞匠者彬彬然輩出

由是郡邑大夫凡開館閣校青黃德幣括
徠諸耆英必彙進固雖顯晦不齊耕讀餘
功率操觚揆翰長歌浩思結社賡酬采溢
縹囊光韜湘帙積者克盈度篋第歲時征
邁光影靡常遠侵于咀蠹近徂于鑠金先
後者淪以蔑茲不掇拾殘編終當憾遺繼
世宗彥滌泉文潞氏憂之乃罷神彈力累
曆窮年輻會韶聰寸收片拾入集者凡百

餘人得詩計千餘首鳩工鍛梓懲往昭來
備宗彞一躰滌泉夙習予沒昧孟陽君肅
介前旌徵予序請首簡予素慚于詩律放
逸林下不復弄文藻久矣重殊氏之委遂
不終辭手卷而嘆曰猗歟盛哉在昔東晉
六朝雲集詞林惟謝氏稱繁庶乃今遐陬
之族何幸踵躋餘光于是徬闕成編究其
歸趣其中慕鴻遠者效法乎阮攻沈謹者

效法乎杜崇俊逸者效法乎李步渾壯者
效法乎高時弗侔而志類人殊習而道同
雖瑕瑜不掩而玉質自存譬之宗廟嘗蒸
尊罍次列漿酒醴醢各具天然之味奚必
辨醇醜分清濁特拔其尤始足以嘉神魄
邪知此則可與言斯集已雖然詩非一藝
論也古者諸侯大夫朝聘鄰國必以微言
相感當分庭玉帛之交各稱詩以章志于

以考賢否觀盛衰焉春秋以降備好禮廢
咏歌不行于王國學詩之賦逸在布衣沈
抑岩穴文人失志之賦作矣自漢而下凡
言詩者多發其憂思鬱結之懷舒其憤怨
不平之氣逐臣抱恨嫠婦凝悽塞堡祁寒
窮途暑雨往往于詠歌見之嗟夫古以貞
教今以感歎詩阨于斯焉極茲集也以順
則立名玩其疏義但見夫洵淳風熙帝載

心逸而日休仕進者縻爵秩于清時退處者忘機慧于矧徼甄陶聖化歌舞太平若耕鑿于窮壤或馳驅于上國無反無側不識不知泰和景象宛然在目中美室家耽樂之情草莽昇平之頌匪託聲歌詠曷足以揚休光鳴盛治耶既卒業就質于殊氏谷言曰斯固集者意也躰裁之變由斯集以觀其全畎畝之私待子言以摠其蘊願

敷緒論庸樹嘉猷庶箕裘之業將循軌于方未璜珮之音不絕響于今日云爾僭為之序

明進士第中憲大夫湖廣漢陽府知府麗川宗人金撰



順則集姓名

後唐

程炳

宋

程可思

程卓 字中立

程汝明 字晦之

程章

程夢龍 字子雲 號濟川

程駿 字師文

程驤 字季龍

程雄 字世雄

程九萬

程希尹 字聖任

程雄飛 字震甫

程森 字志遠

程節 字師說

程元 字天瑞

元

程恕 字以忠

程克紹 字德甫

程存 字伯順

程一鳴 字聲遠

程常 字元良

程全 字仲兼

國朝

程億 字子元

程玄 字德升 號紋溪

程袞 字補之

程尚質 字彥彬 號梅友

程道隆 字景脩 號玉屏

程昊隆 字彥旻 號耕讀遺民

程帥 字永寧 號竹友

程文宗 字永海 號蘭友

程華宗 字道榮 號進脩

程貴宗 字道權

程宏宗 字道遠

程正宗 字以順 號棣軒

程輝宗 字以光 號旭菴

程翼正 字希直 號是齋

程景宗 字道新 號菊圃

程新福 字希達

程正思 字用禮 號月澗

程慶璋 字廷珪 號鈞烟

程慶至 字存綱 號淡軒

程慶琰 號字廷琬

程慶琳 號字存韞

程慶琬 號字廷殷

程慶琇 號字廷實

程慶昇 號字日升

程雲庇 號字慶紹

程岩友 號字輔芝

程慶杰 號字存杰

程岩長 號字元之

程岩賜 號字敬之

程慶瑩 號字廷潤

程慶班 號字廷肅

程岩憲 號字守之

程慶瑾 號字廷懷

程岩禧 號字綏之

程應蒼 號字啓東

程侃 號字毅甫

程應旭 號字啓堦

程應昂 號字啓重

程瞳 號字啓山

程昕 號字啓峰

程達旺 號字時美

程富春 號字本厚

程佳 號字令甫

程曇 號字啓谷

程傳 號字中甫

程存經 號字本心

程存景 號字本虛

程德茂 號字本深

程爾 號字善泉

程存綱 號字本常

程芳春 號字本仁

程存紀 號字本序

程健 號字立甫

程崇洙 號字子淑

程脩 號字誠甫

程俯字昂甫

程佩字敬甫

程仰字抑甫

程繼淵字希甫

程浚字漸夫

程沼字一鑑

程元壁字文光

程洵字誠夫

程纘洛字承齊

程文潞字希古

程渠字一清

程澍字時雨

程涵字容夫

程廷輔字良輔

程養正字文強

程銳字養銳

程天初字萬慶

程鑾字用和

程明德 字伯能

程茂棠 字伯愛

程世 字平川

程鶴齡 字延鄉

程鶴年 字曼卿

程大章 字含之

程宗潮 字惟信

程挺 字惟觀

程大載 字成之

程百穀 字以登

順則集卷終

順則集凡例

一吾族肇自後唐世居富溪迄今六伯餘載
雖時有隆污人有隱顯而擊壤鼓腹一皆順
帝之則也是集以 帝則言故皆不避私諱
一茲輯主存一族之志非欲傳諸海內故瑜
瑕弗計焉

一諸稿始肇遷歷宋元淵源畧可覩矣惟世
遠莫輯者僅存一二為可惜云

一國初以還至弘嘉間再開吟社間有全稿

未經名家評定者今雖不敢妄加雌黃亦不敢濫收存千百於十一耳

一有名在社中無何而漸滅者間見別籍一二篇採入以補闕遺

一輯中有志德業者有志功名者有志纂述者故於藝苑未深探求今得片章數語錄入不遺

一生者之作未艾存厥名耳俟後續入

一輯之次序不以年之先後主昭穆也如其

履歷具見史志家乘茲得畧焉

茲集雖梓尚念宋元

諸祖遺逸莫載苟能

密搜廣訪補入實有

望於爲嗣孫者

文潞謹告

順則集卷一

後唐

程炳

富溪即事集句

山中養老度危時誰在誰止兩不知清夢晝回

巖洞靜數聲啼鳥上花枝

韓渥曹唐

致堯韋莊

西清詩話云集句肇自宋初陳后山云
王荆公言集句唐人號為四體則宋以
前已有此體矣我世祖後唐人故集之
篁墩宗學士已列入貽範集今載之以

見肇遷
啓源也

宋

程可思

讀建隆啓元詔

雲雨風波鯨鯨闢炎光
倏忽開清晝陳橋已兆
建隆年干戈偃息民康阜
普天率土奉包茅永
効華封祝元后

自題富溪八景

雞籠峯了鹿尖石夫人洪真墓
獅子岡皎池嶺碧藍田紫微園

穹壤開靈區八秀如旋斡
南斗接孤標天雞凌

曉嘜了鹿並特竒宛啣春葩
敵有石若佳人貴
重一何晚有仙已乘雲
瑤草尚堪掇平岡蹲伏
嶴河東聲不晰深沼躍
潛虬雷雨澤和澗芳野
布嘉禾元不羨玉茁薇
花對省郎天路固能達
人傑在地靈昭茲永振
枝

譜成貽諸族

洛浦明珠光照乘藍田美璧
價連城須知探採
非人力澤媚山輝自得名

程卓

讀少陵青蓮送率府祖季隨還鄉轉赴

安西幕府詩

有唐我祖際運京昌所志風雅厥聲喤喤曰杜
曰李並鑣翱翔桓桓率府京兆託契與語才
傑意鍾顏霽垂白泣分途窮存濟仰企若人徽
音載世青蓮雄視柱史慷慨繡斧鎮西飛霜
蔥海漢家側席草綠送待展誦驪歌尚生光彩
辭竹洲安撫做薦舉
我家乃阜瀛世業事儒素雖蒙長者言干祿非

所慕布衣相與遊不迷邯鄲步長者從考亭道
義仗陶鑄望望契予衷狂瞽亦回護展轉捧華
章春風候左顧

程汝明

送五弟汝遷宰竹山

出宰風流愧爾兄承家節操在茲行不言花種
河陽滿早報絃歌沸武城

程章

奉端明學士秘宗公

遭逢主上闡皇仁中外林林慶得人河洛圖書
元制作雪霜松柏是精神日邊調鼎居黃閣花
底鳴鞭散紫宸海內饑民咸待哺佇看陰谷黍
生春

畫菊

亭亭瘦影傲霜寒濃墨淋漓尚未乾輸却柴桑
陶處士一枝長得醉中看

程夢龍

送二兄

儷

赴紹興府直學本州州學經

論

聖代重儒臣南邦雨化新風行隆俎豆道在樂
經綸誰識廣文冷自甘無已貧應憐菴葉縣日
苦簿書親

程駸

答經諭兄

焱

論春秋

岐山不鳴鳳魯藪何出麟天闕錯象緯世路莽
荆榛賴生我素王春暘麗秋旻位育三綱正凜
凜戴君親康侯體謹嚴巋然軼素臣吾徒執斯

川貝集 卷一
編權變還真淳願致堯舜主庶不忝先民

程驥

致政寫懷貽親友

世居阜瀛西奕世惟畊讀既忝神明胄復叨衣
冠族偏安愴羽書孤憤著戎眼經畧乃捫心封
章緣擊目謬登文武科報食廟堂肉驕虜誓欲
殲元輔懇不錄劃地偃素韃依日隨輦轂慚向
紅藥吟愁對紫薇宿夔龍故集池密勿那諧軸
如投楚澤冤浪倚秦庭哭翻然返丘園悄矣辨

麥菽林泉託幽棲風月成小築延賓娛琴書悅
親酣綠竹西山介寧渝東海蹈已伏引領補衮
人悲歌爲擊筑

送周南斗南士傑士雄弟入胄監

成均沛化雨多士應昌期星斗羅奎閣魚龍起
壁池須珎鳴鐸地還憶過庭時鄉國雲霄外榮
名慰所思

感時寄鼎峯太守良鈞

中原斷消息南國益愁思落日軍麾黯寒風戰

角悲紛傳司馬檄轉誦杜陵詩想爾憂時切蕭
蕭鏡裏絲

遇京西老校有感

但聞挂神武那見誓中流衰颯吹霜鬢孤臣淚
不收

子陵釣臺

富春山下釣魚臺千古清風挽圯顏欲訪先生
孤棹遠如今傳得畫圖來

自題松軒

託根恥入艷陽叢曾沐丹霄雨露濃甘向空山
飽霜雪大夫元不受秦封

程世雄

送宗碩辰州橋梓調滿入覲

周魯聲華重名家濟美光時來宸翰寵日惹御
爐香清廟諧琴瑟明堂待棟梁河清如可待垂
手引鷓行

程九萬

答運幹弟希尹時予整飭邊兵

日望富溪雲夜望富溪月悠悠繫我思故山夢
飛越淚灑秋螢流愁隨春草歇所願同源人偕
升弼魏闕徒欲整冠裳松楸莫展謁宗盟苟不
寒音書奚敢忽

程希尹

答洛水學士 秘問志

丈夫生世間所志在經濟忠孝出天成完名當
淬礪敢云忝素封周恤心常繫焚券馮偶同舉
火晏相契慕范篤本源莫就空量劑薦剡出都

門浪鼓西江柂策勲已後時何由施竒計額手
謝朋簪闈園聊游藝送選龍耳幽旋發麟嘉翳
畊隱願如斯無忘謳歌世却勞宗袞褒署以東
山第永言傾葵忱庶幾答嘉惠

程雄飛

寄送定國叔赴楚府郡馬

翼軫星沉散早衙傳書奠鴈向王家楚宮從此
佳消息佇見龍媒出渥洼

歸田祭十五府君墓

妙得青囊旨幽宮遠卜靈陰森凝宰樹紫翠閔
巖扃衍秀儀同裔流光太史銘豫章淹宦轍今
始薦芳馨

程森

答黃常甫

衡茅聊偃息辛苦太玄經門徑慚桃李生涯覓
鉢瓶盧生參幻化柱史測沉冥齊契超今古蟬
蛸自醉醒

贈陳壽翁

苦志在蘊鹽六經乃曠探觸處能默契亶知道
在南雖云傳一脉都羨青出藍勉旃復勉旃願
言篤朋簪

程節

將赴宮教姪應時請偶于定宇先生之
門復承嘉劄賦此答之

青青子佩大江湄陶冶寧言不可遲阿咸締配
藉蕪辭重向儒門親結禱風流佳劄亶心知奚
吟柳州若鹽詩麟趾由来化關雎能與廣平果

符期百世京昌肇此時

程元

送二叔彥赴建康郡博經諭

自慚作縣任非輕莫以儒宮憚遠征
二水潮平乘月上三山樹擁看雲生
虛心但使能成物到處何須更釣名
養育賢才隆治教相期挾策覲

神京

自詠秋澗

洞庭下木葉一道瀉銀河休着仙槎泛
月明發

浩歌

程通

贈中州諸宗丈

一入中州里宗門興不孤根同龍角木
源共相公湖紫氣瞻衝斗飛黃看過都
王廷振耀日早報獻嘉謨

贈別定宇陳親家左顧

繫惟後唐祖肇迹于富溪只今承文獻
通籍由金閨而我選別業黃尖寡輪蹄
夜蟾烟群帙春

雨閱一犁勞君念兒女遙訪衝烟蹊千盤歷澗
壑萬仞躡丹梯入門瞻顏色握手叙乖睽劇談
忘達曙後會丐留頭龍蛇騰滿紙光燄吐虹霓
苟能復良覲佳日候杖藜惟茲愁別路送客亂
猿啼

谷富溪房邀清理學正公卓宰村墳產
南渡園陵不可尋儒臣孤塚尚如今精神一詠
懷天屬體魄三朝忍陸沉世遠正慚稀麥飯枝
分徒切養松林尺天寸地當恢復始慰韓公所

望心

元

程恕

贈黃草窻智孫先生

五城十二樓樓中人如玉惟讀五車書不干千
鍾粟陽煦育群生天籟發清曲悠然會心處窻
草春長綠

重葺宋中書府君林泉風月亭承紫巖
宗臣汪公虛谷回方公弘齋涇曹公惠

詩酬此

王業痛偏安都門乃挂冠構亭署風節避地畏
波瀾繼述寧嘉美篇章藉壯觀虹光環斗燭百
代故驚看

荅浦城楊君載見寄

十載鱗鴻斷來詩慰寂寥懸知清白士已入聖
明朝採藥乾坤老還真歲月遙天都橫望眼雲
樹益蕭蕭

題壽慶樓次吳君玉

雕甍綺構羨初成四壁圖書奕世榮萬戶千鍾
今易得一家五代古難并溪山盡入登臨眼花
竹長隨笑語聲只恐明廷資柱石烟霞猿鶴又
寒盟

荅虛谷先生寄贈

端居戚戚苦無棕目極停雲思轉濃習隱頻交
紉薜荔遺情幾欲採芙蓉詞場貯幟心空壯學
海傳針力未慵擬約清秋發酣嘯黃山一上景
高峯

程克紹

寄荅吳草廬幼清先生

聖路久榛蕪聖門固蔽塞猗歟我夫子拳拳立
民極日夕睇西江遙遙欽典則勞勞念素心飛
翰存玄默予慙伊洛宗降衷恒惻惻何當奮翺
翔凌風接羽翼

謝虛谷先生薦主遂安簿

使君守隣封體主愛元元屬縣遴廉簿薦剡星
臨門仇香邁英駕曠代寧攀援鹽梅與羨礪遠

期何玉温矢心勤撫字用荅聖明恩

詠葵贈紫巖先生

春芳落盡匝繁陰尚有園葵殿到今閭闔風回
朝絳節扶樽日上駐丹心託根生意超凡卉出
色高標邁衆林我有孤忠空耿耿臨風三嗅動
幽吟

同諸宗建晉太守府君墓碑

典午江山不盡思萬年雙石此穹碑有人來讀
循良傳立馬斜陽想舊時

程存

朱允升程仲江過訪坐林泉風月亭分韻賦詩予得月字

結廬傳巖阿隘陋愧崇闕虛亭枕方沼環顧依
林樾鑿洞分厓瀑活源流不竭九夏掃煩熯轉
盼吹涼颭東山玉兔輝宛想廣寒闕伊昔曾太
父觀時解朱紱恬退卜斯隱嘉哉興浩發繩繩
遺子孫書香僅如髮迄今壬戌秋六紀星霜越
二豪扣巖扉劇談駐輕軌山酒傾松花野盤供

薇蕨分韻賦新詩顛顛表高揭嗣葺宜無忘甘
棠慎勿伐

書林泉風月亭卷後

封章辭廣殿畫錦築斯亭豈戀中林逸因耽濁
世醒人徒期耀笏我但守遺經麗藻勤瓊襲承
家仗地靈

次吳仲文韻

鏤古雕今浪出新無如大道只傳心仙關春盎
山林茂國脉天長雨露深能不猩迷為酒賺端

交屏潔絕埃侵乾坤定位風雲會夜案晨窻豈
陸沉

送朱楓林升還石門

石門深處且藏真不用逢人浪問津舟楫大江
元有待須知傳說上星辰

讀定宇公櫟跋草窻翁懷先子詩

流風餘韻重通家三復摩泮轉嘆嗟嗣葉傳藏
如拱壁還看午夜吐靈華

題富溪八景

雞籠峯

拔地孤峰何率律疑是陽烏斲凡骨夜半峰頭
啁晰聲依稀催上扶桑日

了鹿尖

鹿門幾度懷幽討今見茲山因更好中有隱者
鹿皮翁我欲相從拾瑤草

夫人石

雨淋日炙蒼蘚蝕浪比夫人挺孤立媒氏果傳
郎誥封鶯花始解春愁入

洪真墓

鶴背仙人久已去
石鼎金丹杳何處
空留遺像
在人間
碧桃落盡東風暮

獅子岡

平岡蹲踞勢竒絕
欲比生獰更何別
慎勿吼發
河東聲百獸聞之心膽懾

蛟池嶺

一派清冷迸雲液
風動松烟漾寒碧
潛虬勿嘆
久泥蟠會看奮迅升天翼

碧藍田

春水溶溶春草綠
平疇雨過驅黃犢
茲中豈少
種玉人連城美價猶藏積

紫薇園

天風吹夢入寥廓
星斗闌干射芒角
醒來身在
渺茫間月照薇花晚烟薄

程一鳴

除本州學錄自策示同志

爲農積嘉種所願在豐年
畊耨苟失時饑餒奚

川東集 卷一 十四
怨天爲士凝大道體認豈簡編當不惑多岐習
以敬其傳

聖賢久不作彝倫乃不明既稱鄒魯郡會當際
嘉亨達則贊化育窮則守堅貞毋徒生斯世千
秋以榮名

程常

丘園錄成志喜

蓬海茫茫苦覓仙駭人波浪動無天忽逢雨過
風斯正穩汎孤槎到日邊

牛山不使斧斤加雨露根深長蘖芽謾詫丹青
好顏色終如陌路亂風花

程全

詹溪移居圖 美孫仁遠也

詹溪之澣築室百堵徙以安居不忘爾祖其祖
伊何昔宅斯所今茲孝思復于本土

詹溪之陽風土穰穰有琴有書有牛有羊父兮
母兮躋彼高堂慶讌孔嘉聲管將將

詹溪之隅於焉樂胥左松右竹上鳶下魚盤谷

之序輞川之圖載歌載詠清醕百壺
詹溪之澗逸豫心神畊不在稼釣不在鱗惟畊
惟釣効古之人乃淳乃朴唐虞之民

和李白宮中行樂圖

天上隨雕輦深宮樂事新聖圖三輔輦靈囿四
時春御宴來金母昭儀畫玉人翰林簪粉筆草
詔賜皇親

紫塞風塵靜將軍露布歸天顏開霽色雲翼盡
雄飛苑柳垂青瑣宮花照袞衣彩雲歌舞散萬

國仰清輝

奉餞張使君

福星前歲耀南州竹馬朝朝迓細侯取履家傳
黃石畧挂冠歸伴赤松遊三年人頌花屏月萬
頃胸涵練水秋海內蒼生望霖雨東山夢覺聽
鳴騶

寄題羅安道長青山守一菴

甲冑勲庸薄宦遊長青看破世沉浮一蛇藏袖
蒼梧暮孤鶴橫江赤壁秋月上碧桃琴正響雲

遶丹竈藥頻收此中能守交離坎隔斷紅塵即
十洲

順則集卷一

順則集卷二

國朝

程億

望雲圖歌

璜川孝子吳家郎一朝辭親事戎行戎行遠在
雄州城城上忽見白雲橫雲兮霏霏翻五彩朝
牽暮引愁如海知爾不願望雲青青雲空向足
下生知爾不願望雲赤赤雲干戈恐未息知爾
惟願望雲黃黃雲四海豐穰穰知爾終願望雲

白白雲旦旦情脉脉脉孤飛遙出岫如連萬
里璜川曲川上雲開東西疇那能賣劔買耕牛
力田故里勝封侯得免梁公淚盈眸何日卷圖
獻

天子孝心格天天應喜歸爾畊雲養慈母征衣
卸出斑衣舞畊時若憶望時苦當保此圖傳萬
古

寄金彥忠黃原吉

傾蓋懽如故交情老轉親丹霄瞻鳳鳥綺陌羨

麒麟柱樹徒招月梅花莫寄春青萍當自愛長
價豈無人

和吳君

泰中見贈時予得辭徵辟

聖主勞徵逸良朋謝寄聲寧叨新

寵命莫續舊簪纓春隴還持耒寒窓且對檠登
庸付後進庶不忝科名

贈黃原吉

意氣五陵豪登壇已振騷香傳双井近秀出小
山高世已珍麟角人爭覩鳳毛入秦寒范叔戀

戀在綈袍

寄葉太守宗茂

洪濤一望若瞿塘
震盪孤舟入楚鄉
失馬無煩憂北塞
卧龍終見起南陽
鱸魚莫羨秋江美
籬菊惟看晚節香
幾度封書心緒亂
暮雲春樹益蒼茫

書懷寄趙東山先生

訪

潮生潮落自錢塘
不涉風波舟穩藏
無罪誰憐鳴仗馬
得時人飽大官羊
心驚此日華峯礦事

悞當年替戾岡
征客莫言前路杳
熹微漸見發晨光

和范平仲準工部早朝

老大班隨供奉朝
布衣矍鑠上青霄
明良慶會時逢泰
雨露霑濡日未消
天近玉堂揮藻翰
風和輦路引咸韶
長瞻春萃龍顏霽
好奏堯民四海謠

有懷楓林朱學士升

楚徼吳關道路遙
鹿門何處遂蹢躅
時危尤甚

壬辰歲詩細難酬丁卯橋百鍊但剛吾道在二
毛寧與貴人饒蒼生正切煇塵苦甘澤遙聞下
九霄

和松明火

蒼虬旋取赤心燃女締男經夜不眠處士謫居
離絕壑大夫功滿上凌烟千年琥珀憑誰得一
點靈光可自全不照綺羅筵上客分輝田舍及
漁船

蓉峯汪春坊 戲過訪醉題林泉風月亭

壁作此酬之

青絲絡酒發清酣野逸今朝未劇談勞拈彩筆
舒豪思直為遙山掃翠嵐

過槐林

丹厓翠壁畫陰陰花底山禽送好音王道只今
無險阻放牛人說是槐林

紀事

屯田講武安邦本餉士無煩蕭相來見說道傷
驅犢者昨朝城裏賣刀回

方興寺次壁間韻

曾聞石佛泉煎茗試問山僧幡動風下堂正罷
蒲牢吼踏破優婆七竅空

程玄

赴京留別周大尹 德成

行行出郡國望望拱

皇闕固非救天翼亦知小車軌
綸恩網鳳麟志士興飛越連茹以拔茅泰階一
伏謁三復誦贈言昕夕當感發

赴 召試鳳凰臺望大江

謁

帝獻言愧凡才肆覽因登鳳凰臺大江萬里接
天回包涵兩曜盪胚胎魚龍奮躍天門開三山
拱護壯蓬萊

聖澤蕩蕩濟九垓紛紜梯航朝宗來

堯封荒服固無該亶乎天塹何雄哉鄭以虹流
進壽杯願隨多士聽春雷鳳啣 丹詔取
聖裁

送胡伯瞻歸省

匡國仗時賢登庸已有年
斑衣驩愛日 紫詔寵歸田
夜月黃山路秋風白下船
高堂稱慶罷封事早朝天

月夜同陳克永登郡城樓

清光出海頭挈客上城樓
綺席開涼夜瓊簫徹
爽秋仲宣多感慨庾亮擅風流
灑氣澄如洗酣歌興未休

遊第一山偕同志

萃華閃閃幸禪關

御筆留題第一山
列嶂遙分層漢外危亭迥出
斷雲間丹爐火息龍何在
茶竈烟消鶴未還况是乾坤寧謐日不妨携酒共躋攀

程袞

部試溱沔河

炎劉厄群雄真龍起白水恢復舊山河
路阻溱沔瀾天心契言者堅冰渡戰士底須赤伏符
中興已兆此煌煌我

聖君克昌東漢美昭茲績高皇前後齊一軌

後赴部試玉筍班

崧之高兮嶽降神濟濟多士生王國肅肅聯翩
振羽儀咸懷楨榦洽文德自知弱質本蓬茅須
藉 雨露潛培植若以掄材資廟堂列以鶴行
齊百職欣瞻
端拱垂無極

應孝廉制除樂清簿貽書家山

叨承 湛露降丹霄名注孝廉忝 聖朝日閃

天門迎玉輅風清 御幄奏鸞簫欣觀輔弼隨

臣稷幸際雍熙觀

帝堯家學何能繩伯子濫同作縣自堪嘲

謁用之族祖高嶺墓

浙藩山水冠東南山削瓊簪水潑藍亂後松楸
曾有幾葬來甲子已踰三苔封內翰親題碣竹
護中書舊結菴纖雨澹風寒食節梨花桺絮落
毳毳

程尚質

戴孟恭禱雨露足贈以此作

祝融鞭火龍騎陽五旬烈宇宙如紅爐泉源立
涸竭辛苦傷田家夫畊與婦饁所望年穀登公
私免催迫詎料魃為虐憂煎腸百結君以誠格
天沛然下甘澤萬彙咸勃興歡聲徹阡陌我雖
筆耕人中心戚以悅

許侍御士達見訪

華國文章間代英無論金榜甲科名方者仗鉞
青冥下即見飛霜海甸清夜雨十年尋舊約春
風兩日煖佳盟懸知不負蒼生望好為
皇家致泰平

送景修弟赴舉

碧柳新蟬報早秋携書遠上
帝王州酒驕行色傾鸚鵡劍拂塵埃看斗牛一
路風生輕馬足千人筆掃占鰲頭遙聽捷報高
堂日不是當年舊黑裘

題畫

山深無地着塵沙流水縈迴石徑斜樹色未分

屯翠靄樵花長在絢丹霞林間客到開棋局溪
上人歸泛釣槎笑我空尋方外去何知對此即
仙家

野艇沙鷗

相親相近自清幽月白蘆花伴釣舟休問洞庭
三百頃忘機漁父共悠悠

程道隆

賦得松蘿秋月送進士彥實宗兄還朝
峩峩松蘿山疊嶂凌空碧上有巢雲松參天二

千尺高秋風露涼皓月生寒鬼林棲見羽毛清
景難虛擲於焉具一觴攀留折桂客授簡寫離
懷不知東方白

赴郡思恩留別諸長少

九重新簡命萬里入蠻方
帝德光天遠臣心化日長但交隆俎豆須使重
冠裳耆俊宜珍嗇音書慰我望

春寒

曉風料峭透春衣轉覺園林花較遲閑坐小窻

動吟興更呵凍筆寫新詩

春憶同志

東風窈窕轉流鶯求友真知太有情記得去年
半酣際碧桃花底坐吹笙

程昊隆

雜詩

好風從東來倏忽徹寥廓扶筇陟崇丘解衣歷
絕壑林靜鳥不鳴風起花更落悠然悟物理心
境澹然樂

閒居

日勘枕前書蕭然世味踈那瞻丹穴鳳只釣碧
溪魚簡出曾無悶孤吟但晏如况兹秋興好灑
氣湛清虛

書事

十年落鬼了無聞鬢點霜華耻入群但得傳家
有書種人間富貴總浮雲

程文宗

次諸彥雞峯絕頂聯句

玉削芙蓉出太空，清秋登眺興無窮。豪吟洶湧
波傾峽，痛飲奔騰澗吸虹。城市勞勞双屐外，乾
坤納納一壺中。松苓可斲芝堪採，擬共峯頭結
翠蓬。

程帥

寒谷回春卷為陳令君寓賦

邃谷雪晴時，春光到舊枝。河陽花灼灼，彭澤柳
垂垂。荀立生前祀，何留去後思。向來發生意，今
日盡芳滋。

感時

舉目總蕭然，荒村斷爨烟。寧知枯麥日，復作爛
禾年。生理誰堪問，憂端自可憐。猶聞豺虎鬪，何
處戴

堯天

程華宗

賦蟾宮桂贈四弟道遠赴秋闈

桂華蟾彩繡天章，玉樹郎君上
帝鄉。第一高枝須掇手，十年燈火回春光。我祖

兩攀登文武風節只今耀中土世掌絲綸看鳳
毛庶見勛庸振往古

贈許侍御士達

白筆勁霜飛
峩冠立赤墀
已交避驄馬
當不問
狐狸隨仗風
斯肅持衡職
不隳

君恩嘉諫獵有喜近臣知

送謝使君恭入覲

虞廷嚴黜陟
端月到神州
萬國羅玉帛
九天拜
冕旒還應民
瘼切莫以宦
情留竹馬
春城外朝

朝迓細侯

臨清軒

郭外幽軒敞
且寬半臨削
壁半臨湍
窓含濕翠
三秋爽簾捲
波光五夜寒
孤鶴一聲林
杪下輕
鷗數點鏡中
看倒涵烟月
青天上只合
逍遙老
釣竿

奉和篁墩學士克勤南歸志喜韻

仙史清華發
興竒大廷賡
和際昌期明
良錐慶
歸田日纂述
還如報國時
野水孤舟終
物載上

林幽草自

息推江南漫戀烟花地
北極星辰待賦詩

題馬送族弟希正赴秋試

臺上黃金待策勳
看花爭覩五花文
底須伯樂來高價
元是神龍自不群

題趙松雪畫馬

落筆圓方太乙精神元
出獵儼橫行誰知八駿
周遊日泣斷蒺藜五國城

程宏宗

下第還家貽同道

束裝出都門
駕言返鄉國
回瞻天漢居
巍巍奠斗極
河山互盤旋
亘古朝至德
濟濟變龍冠
蓋傾路側余
本歆畝民
抗志耽文墨
陟華更無由
鍛羽寧愴惻
舊業阜瀛西
畊鑿可力食
寄聲同袍人
窮塞何足恤

程正宗

謝賓友題棣軒

花開鞞鞞匝連枝
豈若開元樓上時
常恐吹花

風雨惡斯干那得奏墳麓

程輝宗

送景脩叔赴會試

行行赴

帝鄉一上治安章
柳映青袍色花迎彩筆香
雷

輶龍變化雲逐馬騰驤

宸極星辰動家山草木光

程翼正
赴秋闈留別蘇景元次其贈送韻

日麗祥雲泰運開文昌瑞宿萃英才欣逢

聖主興賢詔會見

皇家濟世材
棧樸深勞資

雨露蛟蛇已擬赴風雷致

君克舜元吾事豈但榮名畫錦回

程景宗

和克勤宗兄篁墩十二詠存六

射蜃湖

舊識篁墩地行吟每獨留
風帆淵客少烟樹土
人稠鳥起疑驚鏃雲生似結樓
心寒昏黑處人

道有龍遊

鐔卜橋

從古無鐔卜時來鐵亦神
倉皇方受詔去就豈
謀身起義兵猶振康時策
可陳小橋任桑海名
號耿千春

歎血臺

奮決勤王日寧須拜將壇
人心歸赤幟馬血戴
銅盤息壤元何忝葵丘故
不難清時臨眺處風
起颯生寒

鼓吹臺

謾道金甌缺還將羽檄裁
登臺傳令肅吹角振
軍田徒見山川險那聞將帥來
世殊人事異遺
址長蒿萊

洗馬池

荒池傳洗馬赤汗想成波
風過猩猶在沙沉跡
未多涼飄水後雨綠長
嚙餘莎野老閑來此時
聞得斷戈

世忠廟

凜凜梁儀像巍巍宋廟堂澤民從亘古討逆靖
諸方群起同朝士誰封異姓王先忠開祚德嗣
業仗傳芳

送春坊宗兄克勤宮簿仲弟克儉服闋
還朝

廬前松柏已生枝又是

君王需講時春水花浮催去棹離筵柳拂動征
旗朝經澤國魚龍集夜泊江亭斗象移想到玉
堂多讌暇酣歌棣萼日相隨

春坊宗兄陪駕望陵見寄次韻奉荅

曉侍

龍輿陟遠岡天風吹袂不禁涼旌旗閃日三千
隊松柏參天二百霜山勢止來靈氣合河流
東去聖源長五雲深處鶴鸞序還憶山中有
鴈行

慶雲上人行

齊卿之子真上人金山了元是前身自薰知見
落煩惱心長菩提轉法輪錫飛聲卓犖山麓等

閑南院為資福百丈清規出入嚴貝葉時翻遮
淨目馨香苾芻遠近聞天花幾度曾繽紛傾瓶
倒鉢結檀樾唱咄頑空壯寺門波演那成金地
勝祇園柰花誇興盛紫翠山分廬阜竒香甜水
派曹溪淨昔住今來半百年摩尼光照菊花天
蘭盆蒲塞開華會風旛寶蓋集群仙優曇花開
歲月深百年老樹娑羅林瑞應祥徵無量壽讚
揚騰沸海潮音顧我莫逃靈運雜相去牛鳴地
兩峇石頭路轉經過難觴詠無緣同擊鉢晨雞

聲裏起頭陀握筆圓光為作歌普化欲窮聞見
妙何來山谷與東坡

程貴宗

過獅子地墓有感

人傑由地靈斯言良不爽猗歟我鼻祖種德全
生養選茲陰陽合佳城森萬象靈鍾河東鳳駘
之袍應響孟氏首富雄只今猶春盎但嗟仲房
孫遠徙從幽壤曠代探祖源寧不發悲愴天乃
春季宗人文日宣朗

聖朝自後唐固有巖廊上各各重衣冠當不愧
俯仰歲時勤展省共沐恩浩蕩

讀世譜題名記

奎壁輝東宿鯤鵬起北溟馬卿崇作史韋氏重
傳經會暎三冬雪能囊九夏螢清光留鴈塔鳴

珮振

王庭

程新福

次釣烟姪見寄

湖陰市上客人拍老詩浦閣筆花爭笑提壺鳥
亂呼閑門斷車馬正路塞榛蕪遙憶垂綸處論
心每起予

順則集卷二

頁別集

川貝集

石卷

一



